



## **Universitätsbibliothek Paderborn**

### **Exemplorvm Libri Tres**

Liber Secvndvs, Siue Exempla, In Septem Capitalivm Vitiorvm  
Detestationem, Per Qvadragesimam, Anno M. DC. XLVI. narrata

**Stengel, Georg**

**Ingolstadii, 1650**

§. 12. Impurorum fœdit as & multitudo.

[urn:nbn:de:hbz:466:1-48186](#)

cælo ad se clamari, quod ad nauarchum, cum serio, ac iterato dictu est mandato: *Mitte foras Mariam, & bene nauigabis.* Accident in fortuna, oriuntur tempestates Rerump. bellis omnia vastantur, vbiique luctus, vbiique dolor, vbiique mors aut mortis imago, vbiique scopuli & pacis ac tranquillitatis impedimentum: *Mitte foras Mariam, & bene nauigabis.* Res iam nobis prope rediit non tantum ad triarios, sed etiam ad ultimam penè lineam. *Dixi tibi, mitte foras Mariam, & salui eritis.* Emenda, castiga, extirpa impietatem. Non patereris, in vrbe, si scires adesse proditorem. Id, quod Sichemitas, quod Sodomitas, quod totum, diluuij tempore, prodidit mundum, etiam alias plerasque prodit ciuitates. *Omnis caro corruptit viam suam.* Hoc scriptura affirmat. Hoc sermo testatur quotidianus. Hoc experientia probat. Possem adducere & ipsos reos ac reas, qui audent dicere, quod ego, non possum credere, & temerarium esse aio, suspicari, ini- quum judicare; deboeq; meritò refutare prius, quām ad rem ipsam propriū venio. Quid ergo dicunt? ita passim libidinem inualuisse, vt ne vna quidem virgo, reperiatur in tota ciuitate. Quod in primis superat ipsam Lutheri maledicentiam, qui in aliqua ciuitate, vix quinque virgines dixit reperiri. Hi aiunt, nullam. 2. Magnam tot innocentibus irrogant injuriam, magnam illorum parentibus, qui filias suas aliter custodiunt. 3. Qui hoc dicunt, ipsi sunt infames, infames autem, non possunt esse testes. 4. Quia solamen est miseris, non solum poenarum, sed & culparum habere socios: putant enim, se numero defendi, atque excusari, si plures sint in honesti. 5. Deniq; in hos ipsos infamatores calumnia sua redundat. Ideò enim virgines non inueniunt, quia virgines non querunt, sed meretrices; aut quia ipsi faciunt, vt virgines non possint inueniri. Quæ si tutæ esse volunt, cogantur aliò commigrare, aut & in monasteria se abdere. Quanquam ita infrunni sunt quidam, vt etiam prosequantur & Plin li.23.c.3. persequantur abeentes. Lucullum clarissimum Imperatorem aiunt, amatorio poculo perisse: hi poculo tali non indigent; pereunt sine veneno volentes, & perniciem suam non fugiunt, sed fugientem querunt.

XII.  
IMPERORVM  
FOEDITAS ET  
MULTITUDO,

Ceterum non est necesse, omnes esse tales, satis est magna nihilominus talium multitudo. 1. Sunt, qui solo visu perdunt castitatem. *Omnis, qui viderit mulierem ad concupiscendam eam, ians*  
*macha-*

mœchatus est eam in corde suo. Expertus est hoc David, iam oculis Matth. 5. 28.  
 mœchatus antè, quām Bethsabeam ad se vocaret. Experiuntur, qui,  
 quotquot feminas aspiciunt, concupiscunt. 2. Quidam solo auditu  
 rei turpis delectati castitatem perdunt. 3. Bibunt quidam, & ea su-  
 munt, quibus in libidinem incitantur, atque hoc fine alijs antepo-  
 nunt, jubentque sumere, ut fiant ad peccandum potentes. 4. Inuenti  
 sunt ad hunc effectum & odores, & hoc fine odorifera gestantur, ut  
 allicitant. 5. De rætu erubesco dicere. nam sunt, qui omnibus ianuis  
 voluptatem admittunt. 6. Nec opus est adiumento membrorum;  
 solo animo, vna cogitatione, vna imaginationis delectatione plu-  
 trimi cœlum vendunt, infernum emunt. Et possunt, tali cogitatione  
 omnia huius generis peccata comprehendendi. 7. Peccatur ratione  
 temporis, loci, modi, obiecti. Quidam dum tota hebdomade labo-  
 rant, die festo, quem sanctificare deberent, amoribus vacant. Quin  
 eo ipso tempore, quo alij in templis Deum colunt. Tunc absunt, &  
 in templo Deo seruiunt herus & hera, pater & mater, regnat ergo  
 domi filia, vel ancilla. Meminerunt multi adhuc eius puellæ, quæ  
 ante non multos annos, hîc capitis supplicium tulit, quia ipso die  
 S. Parasceues, & illâ horâ, qua alij se flagellis castigabant, & expia-  
 bant cruentis iictibus, quod peccauerant; alij autem spectatum &  
 oratû prodierant, amasium suum citauit, & virginitatem suam pro-  
 degit. Indignum est, tempus diuinis cultibus attributum negligere,  
 & ad ipsam transferre obscenitatem. 8. Quemadmodum etiam in-  
 dignum est, locum Deo consecratum libidinibus suis profanare. Mi-  
 tissimus alioqui Christus, è templo tamen eiecit ementes & veden-  
 tes. Quid faciet, si videat illuc homines ire, ut oculis & nutibus for- Ioan. 2. 15.  
 nientur, & adulterent? Stare in extremis scannis, ut proximam  
 habeant è regione allubescensem? Quo pacto illos puniet, qui in  
 ipsis officijs diuinis, sæpius de voluptate carnis, quām honore Nu-  
 minis cogitant? qui alia agunt, quæ ne nominare quidem fas est?  
 Nonne hæ sunt abominationes, quas præuidet Daniel Propheta? Dan. 9. 27.  
 nuncquid hoc est Adonidem adorare? & Cupidinem pro Deo ha- Matt. 24. 15.  
 bere? 9. Supradicta Maria non legitur fornicata; sed nimio con-  
 iugij appetitu filios necans, ingenti miraculo fluctibus est hausta.  
 Quid dicam, ô Deus? omnis caro corruptit viam suam. Ante hac ju- Gen. 6. 12.  
 uenes & viri sequebantur feminas, & puellas; iam ipsæ puellæ &

K 2 feminæ

fæminæ viros sequuntur, mittunt ad illos, vocant, invitant. Si non parent, vltro ipsæ veniunt, & eos cubiculatim inuisunt, cum illis bibunt, ludunt, fitque, quod Propheta detestatur, vt meretrices desinant esse meretrices, nec enim mercedem accipiunt, sed soluunt. Et quod ira Dei dignissimum est, à proprijs parentibus ad omnes epulas, choreas, & nocturnos conuentus ducuntur. Patre inebriato, filia est in potestate ebriosorum. Quin, vt se excusatas putent, aiunt nonnullæ matres, se alii à filiabus dona domum reportantibus, pro quibus honestatem foris reliquerunt. Execranda fuit illa Maria, ob filios à se occisos: an non erunt & istæ execrandæ? Invitus dico, sed rei iniquitas mihi exprimit veritatem: Tot passim in vrbe aliqua committuntur scortationes, & tam paucæ sunt, quæ partu prodant suam impuritatem. Vnde hoc? quia artes nōrunt, quia vel occidunt vix natos, & sine baptismo perdunt; vel faciunt, ne nascantur. Non essem tam audax in dicendo, nisi audirem, artificia hæc in laudem trahi, & fieri illicium fornicandi. Milites jam aliquo tempore à cacodæmone opem accipientes, schedas, aut pilulas deuorant, quibus sunt inuulnerabiles, &c., vt vocant velut glacie astricti ac *indurati*. Hinc audaciores, & arte sua fidentes, quoquis in duellum prouocant. Diabolus hanc artem à viris in fæminas propagauit. Nam ecce, quò deueniat nostra ætas: puellæ sunt, quæ, hoc ipso nomine, audent iuuenes prouocare, quod dicant se esse *induratas*. Quid est hoc dicere? nisi quòd nōrint partum impedire aut perdere? & immunes sint à concipiendo? Hanc artem iactant, hanc sibi mutnò tradunt, hac ad fornicandum, sine villo pròlis metu eas alioqui retracturo, animant, & animantur. Quid est hoc aliud quām occidere prolem? immo plus est; quia id agunt, vt proles vitam nunquam accipiat, natura reclamante, diabolo triumphante? Nam sicut milites, non nisi tacito, vel expresso cacodæmonis pacto sunt solidi atque *indurati*, ita credibile est, & has Alastorem habere adiutorem. Quid ergo amplius ab illis expectemus, nisi vt veneficæ fiant, aut iam esse putentur? Tales artes ad magicas artes vel ducunt, vel ab illis proficiuntur. Videat ergo, qui tale commercium habet, cuius sit riualis, & cum quo vices mutet. Habes itaque tempus, locum, modum, quin & obiectum omnia criminose incestata. Nihil enim purum est, ubi est impurus homo.

Ab

Ab hoc autem & matrimonia violantur. Quid tu de illis putas, qui adolescenti dant potestatem, quoties libet, cum sua vxore bibendi, ludendi? eiique, vt lubet, & quam diu lubet noctes & dies assidendi? quid de eo; qui ipsi vxori licentiam dat abnoctandi, & vicissim licentiam accipit, ancillam aliamque illius loco substituendi? Quid de illis, qui obseruant militem ad vigilias euntem, vt, eo absente ipse possit esse paterfamilias in domo illius? Quid de eo, qui nullum facit inter solutam & liberam, inter cognatam & alienam, inter sacram & profanam feminam; immo inter hominem & bestiam; denique inter vxorem & demonem discrimen? An non hæc Sodoma est? an non ira Dei, an non sulphure & igne piceo digna grauitas iniquitatis? Quid mirum si nauis Petri mergi incipiat? Si ciuitas, si regnum pereat, in quo tantam æternus judex inuenit flagitorum omnium fœditatem? Laodice Syriae regina Antiochum Deum cognomento, maritum suum veneno extinxit, ob superinductam sibi Prolomai sororem Berenicem: cur Deus non extinguat homines, ob superinducta tot Mundo flagitia, qui dicitur, estque justissimus Zelotes? Dominus Zelotes nomen eius, Deus est annulator. Exod. 34.14; Hac dicentibus erubescenda essent, ait Hugo, si à facientibus præsumpta Hug deinfelix non fuissent: nunc autem sustineat in audiendo verecundiam, qui noluit in nouit. faciendo habere disciplinam.

Quid ergo talibus restat? perire, vel poenitentiam agere, & agere, dum tempus. Confessa est & Maria, sed Naucero, non Sacerdoti, & sero nimis, nec eo, quo debuit fine ac modo. Si qui aliquo prædictorum scelerum genere se reos deprehendunt, confiteantur sacerdoti; querant Dominum, dum inueniri potest. Si multi sunt innocentes, orent, vt nocentes conuertantur. Denique quisquis conuerti vult, ab illecebris suis se se auertat. Nemo ire potest in Orientem, nisi recedat ab Occidente. Apostoli sapiens monitio est: Fugite 1 Cor. 6.18, fornicationem. Iracundia leones adiuuat, pauor cervos, accipitrem impetus, columbam fuga. Ita alia vitia cadunt, dum eis resistitur, libido fugâ superatur. Et quis non fugeret, sicut à facie colubri? imò vt à longè maiore malo. Quia, teste Boëtio, meretrix nonaria est inferni ianua, via iniquitatis, scorponis percussio, viscarum scelerum, putres interiuns. Potest quidem & hæc vinci resistendo; non raro tamè etiā incaute resistendo quis contaminatur; quemadmodū enim qui

K 3 lucta-

XIII.  
LVXVRIAE  
REMEDIA.

Boëtius de  
scholastica  
disciplina.